



**PROGRAM RADA**

**AGENCIJE ZA PREVENCIJU KORUPCIJE I  
KOORDINACIJU BOBE PROTIV KORUPCIJE  
ZA 2020. GODINU**

*Istočno Sarajevo,.*

*godine*

## Sadržaj

1) UVOD .....	3
2) PLANIRANE AKTIVNOSTI AGENCIJE U 2020. GODINI PO ORGANIZACIONIM JEDINICAMA.....	4
a) Sektor za koordinaciju borbe protiv korupcije .....	4
b) Sektor za prevenciju korupcije.....	5
c) Sektor za pravne, kadrovske, opće i finansijsko-materijalne poslove .....	6
d) Odjeljenje za sukob interesa / Ured Komisije za odlučivanje o sukobu interesa .....	7
e) Odjeljenje za podršku .....	8
3) PROGRAMSKI CILJEVI ZA 2020 GODINU.....	9
4) TABELARNI PREGLED PROGRAMSKIH CILJEVA ZA 2020. GODINU.....	10

## 1) UVOD

Agencija za prevenciju korupcije i koordinaciju borbe protiv korupcije (u daljem tekstu: Agencija) osnovana je Zakonom o Agenciji za prevenciju korupcije i koordinaciju borbe protiv korupcije („Službeni glasnik BiH“ broj: 103/09 i 58/13) (u daljem tekstu: Zakon o Agenciji) kao nezavisna i samostalna upravna organizacija koja za svoj rad odgovara Parlamentarnoj skupštini Bosne i Hercegovine. Agencija je osnovana s ciljem prevencije uticaja korupcije na razvoj demokratije i poštivanja osnovnih ljudskih prava i sloboda, kao i sprječavanja uticaja na podrivanje ekonomskog i privrednog razvoja Bosne i Hercegovine, te u cilju koordinacije borbe protiv korupcije.

U 2020. godini Agencija će pored ispunjavanja zakonom propisanih nadležnosti, fokus svog djelovanja staviti na pravovremenu pripremu u vezi sa efikasnom koordinacijom i implementacijom Strategije za borbu protiv korupcije za period 2020-2024. godina i pratećeg Akcionog plana. Nadalje, posebna pažnja biće posvećena iniciranju novog ciklusa kreiranja Smjernica za izradu planova borbe protiv korupcije i koordinirati proces donošenja pojedinačnih planova za borbu protiv korupcije, pružanju stručne podrške i pomoći procesu daljnjeg normativnog pozicioniranja i profesionalnog profiliranja tijelima za sprječavanje korupcije na svim nivoima vlasti u BiH, jačanju njihovih kapaciteta i novom ciklusu strateškog planiranja na nižim nivoima vlasti u BiH, nastavak aktivnosti na uspostavi efikasnog sistema za postupanje po podnescima sa indicijama koruptivnog ponašanja kao i aktivnosti usmjerene na efikasnu provedbu Zakona o zaštiti lica koja prijavljuju korupciju u institucijama BiH te stručna podrška razvoju efikasne zaštite prijavitelja korupcije na svim nivoima vlasti u BiH.

U narednom periodu Agencija će nastaviti sa pružanjem podrške na izradi planova integriteta u javnim institucijama na svim nivoima vlasti u Bosni i Hercegovini, javnim preduzećima i privatnom sektoru, njihovoj provedbi i inoviranju mehanizama za praćenje implementacije mjera predviđenih planovima integriteta. Agencija će nastaviti pratiti efekte primjene zakona i podzakonskih akata iz oblasti prevencije korupcije, iniciranje aktivnosti u vezi sa izmjenama i dopunama postojećih zakonskih rješenja, te davanje mišljenja na nacрте zakona u skladu sa Jedinstvenim pravilima za izradu pravnih propisa u institucijama BiH.

Takođe, nastaviće sa aktivnostima usmjerenim na nastavak „digitalizacije antikorupcije“ kroz pripremu i unificiranje aplikativnih rješenja posvećenih prijavi korupcije i zaštiti prijavitelja, kao i proaktivnom monitoringu provedbe strateških antikorupcijskih dokumenata u BiH.

Agencija će nastaviti unaprjeđivati transparentnosti u svom radu, posebno kada je riječ o dostupnosti sadržaja na web stranici, Nadalje, Agencija planira poduzeti korake na izradi nove Komunikacijske strategije za period 2020-2024. godina kao i revizija kampanje „Ohrabri se-prijavi korupciju“ koju je tokom 2019. godine Agencija provela u saradnji sa Generalnim Sekretarijatom Vijeća ministara BiH, a uz podršku IRIS projekta „Podrška vladama u BiH u strateškoj komunikaciji u pogledu ključnih reformskih mjera u sklopu Reformske agende“.

Kada je u pitanju međunarodna i regionalna saradnja u 2020 godini Agencija će nastaviti aktivno participirati u koordinaciji međunarodne i regionalne saradnje, kao i saradnje sa organizacijama civilnog društva koje djeluju u oblasti anti-korupcije u BiH, te provedbi i reviziji implementacije UN Konvencije za borbu protiv korupcije (UNCAC). Agencija će raditi na razvoju edukativnih programa. Također, baviće se prikupljanjem i analizom statističkih podataka iz oblasti prevencije korupcije, te poduzimanju aktivnosti u vezi podizanja javne svijesti o štetnosti korupcije.

U cilju adekvatnog odgovora na sve poslove i zadatke koji pred njom stoje, Agencija će svoje djelovanje usmjeriti na jačanje svog položaja kao institucije BiH koja adekvatno, pravovremeno, profesionalno i zakonito ispunjava svoje nadležnosti uz uključenost i saradnju, kako domaćih i međunarodnih institucija, tako i organizacija civilnog društva, akademske zajednice i medija u BiH koje djeluju u oblasti antikorupcije.

## **2) PLANIRANE AKTIVNOSTI AGENCIJE U 2020. GODINI PO ORGANIZACIONIM JEDINICAMA**

### **a) Sektor za koordinaciju borbe protiv korupcije**

Sektor za koordinaciju borbe protiv korupcije će i u 2020. godini fokus svog djelovanja staviti na pravovremenu pripremu u vezi sa efikasnom koordinacijom i implementacijom Strategije za borbu protiv korupcije za period 2020-2024. godina i pratećeg Akcionog plana. Pored navedenog, posebna pažnja biće posvećena pružanju stručne podrške i pomoći procesu daljnjeg normativnog pozicioniranja i profesionalnog profiliranja tijela za sprječavanje korupcije na svim nivoima vlasti u BiH, kao i jačanju njihovih kapaciteta i novom ciklusu strateškog planiranja na nižim nivoima vlasti u BiH. Biće iniciran novi ciklus kreiranja Smjernica za izradu planova borbe protiv korupcije i koordinirati će se u skladu sa njima proces donošenja pojedinačnih planova za borbu protiv korupcije i prikupljanje informacija u vezi sa njihovom implementacijom na nivou institucija BiH.

Biti će nastavljene i aktivnosti na uspostavi efikasnog sistema za postupanje po podnescima sa indicijama koruptivnog ponašanja te aktivnosti usmjerene na efikasnu provedbu Zakona o zaštiti lica koja prijavljuju korupciju u institucijama BiH kao i stručna podrška razvoju efikasne zaštite prijavitelja korupcije na svim nivoima vlasti u BiH. U tom smislu poseban fokus će biti stavljen na nastavak „digitalizacije antikorupcije“ kroz pripremu i unificiranje aplikativnih rješenja posvećenih prijavi korupcije i zaštiti prijavitelja, kao i proaktivnom monitoringu provedbe strateških antikorupcijskih dokumenata u BiH. Sektor će aktivno participirati u koordinaciji međunarodne i regionalne saradnje Agencije, kao i saradnje sa organizacijama civilnog društva koje djeluju u oblasti antikorupcije u BiH a posebno kroz jačanje sinergije vladinog i nevladinog sektora u provedbi i reviziji implementacije UN Konvencije za borbu protiv korupcije (UNCAC).

S tim u vezi, Sektor za koordinaciju borbe protiv korupcije biti će fokusiran na provedbu sljedećih programskih ciljeva:

- Stručna podrška i pomoć daljnjem normativnom pozicioniranju tijela za sprječavanje korupcije na svim nivoima vlasti u BiH uz jačanje njihovih kapaciteta;
- Pravovremena priprema u vezi sa efikasnom koordinacijom i implementacijom specifičnih mjera i aktivnosti iz nadležnosti Sektora i osiguranje efikasnog monitoringa provedbe Strategije za borbu protiv korupcije 2020-2024. i pratećeg Akcionog plana;
- Uspostava sistema za efikasno postupanje po podnescima sa indicijama koruptivnog ponašanja;
- Provedba Zakona o zaštiti lica koja prijavljuju korupciju u institucijama BiH;
- Digitalizacija antikorupcije
- Međunarodna i regionalna saradnja u oblasti borbe protiv korupcije;
- Saradnja sa organizacijama civilnog društva posebno u domenu provedbe i revizije implemntacije UN Konvencije za borbu protiv korupcije (UNCAC).

## **b) Sektor za prevenciju korupcije**

Sektor za prevenciju korupcije će i u 2020. godini svoj rad usmjeriti na aktivnosti vezane za pružanje pomoći pri izradi planova integriteta u javnim institucijama na svim nivoima vlasti, te u javnim preduzećima i privatnom sektoru, njihovoj provedbi i inoviranju mehanizama za praćenje implementacije mjera predviđenih planovima integriteta i načina izvještavanja. Fokus Sektora za prevenciju korupcije će biti i na praćenju efekata primjene zakona i podzakonskih akata iz oblasti prevencije korupcije, te davanje mišljenja i instrukcija o pitanju njihove primjene, iniciranje aktivnosti u vezi sa izmjenama i dopunama postojećih zakonskih rješenja i njihovo usklađivanje, te davanje mišljenja na nacрте zakona u skladu sa Jedinstvenim pravilima za izradu pravnih propisa u institucijama BiH. Planirana je saradnja sa domaćim naučnim i stručnim organizacijama, medijima i organizacijama civilnog društva po pitanju prevencije korupcije, razvoj edukativnih programa u vezi sa prevencijom korupcije i borbe protiv korupcije, nadzor nad njihovim provođenjem. Po pitanju prevencije korupcije Sektor će razvijati dobre odnose sa međunarodnim, regionalnim i drugim organizacijama koje u svom mandatu imaju prevenciju korupcije. Također, će se baviti prikupljanjem i analizom statističkih podataka iz oblasti prevencije korupcije. Sektor za prevenciju korupcije planira i aktivnosti vezano za podizanje javne svijesti o štetnosti korupcije.

S tim u vezi, Sektor za prevenciju korupcije će raditi na sljedećim aktivnostima:

- Kontinuirano provođenje obuka državnih službenika u svim javnim institucijama u BiH;
- Kontinuirano provođenje obuka timova za borbu korupcije na svim nivoima vlasti iz oblasti prevencije korupcije;
- Testiranje i puštanje u upotrebu web platforme za online izradu planova integriteta u institucijama BiH, izrada priručnika za korištenje platforme;
- Kontinuirano provođenje obuka koordinatora integriteta, kontakt osoba u svim javnim institucijama i članova timova za borbu protiv korupcije na svim nivoima vlasti vezano za praktičnu primjenu web platforme za izradu planova integriteta u institucijama BiH;

- Kontinuirano provođenje obuka za članove zakonodavnih tijela u BiH sa međunarodnim obavezama i antikorupcijskim standardima;
- Prikupljanje i analiza statističkih podataka iz oblasti prevencije korupcije, te objavljivanje rezultata istraživanja iz oblasti prevencije korupcije;
- Izrada i provođenje edukativnih programa iz oblasti prevencije korupcije u privatnom sektoru;
- Praćenje provedbe programa etike i integriteta u obrazovnom sektoru u BiH s ciljem jačanja moralnih vrijednosti društva;
- Kontinuirana saradnja sa javnim emiterima u BiH iz oblasti prevencije korupcije;
- Praćenje provedbe aktivnosti iz oblasti prevencije korupcije i planova integriteta u javnim preduzećima;
- Kontinuirana saradnja s organizacijama civilnog društva koje rade sa mladim ljudima na promoviranju etike i integriteta;
- Davanje mišljenja na propise u skladu sa izmjenama i dopunama Jedinstvenih pravila za izradu pravnih propisa u institucijama BiH;
- Iniciranje izmjena i dopuna antikorupcijskih zakona s ciljem unaprjeđenja borbe protiv korupcije;
- Saradnja s međunarodnim, naučnim, stručnim i nevladinim organizacijama;
- Raspisivanje i provođenje Javnog poziva za učešće učenika osnovnih i srednjih škola u BiH iz oblasti antikorupcijske edukacije;
- Promocija nove strategije za borbu protiv korupcije i pratećeg akcijskog plana;
- Razvoj i jačanje ljudskih kapaciteta Sektora za prevenciju korupcije te usvajanje najboljih praksi kroz studentske posjete antikorupcijskim institucijama u regiji i šire;
- Posjeta međunarodnim skupovima i konferencijama iz oblasti antikorupcije u cilju praćenja međunarodnih standarda;

### **c) Sektor za pravne, kadrovske, opće i finansijsko-materijalne poslove**

U 2020. godini, kroz efikasnije planiranje kratkoročnih ciljeva zaposlenih u Agenciji (putem mjesečnih planova), želi se postići veća efikasnost, pravovremenost i kvalitet u poslovanju Agencije, kao i efikasnija kontrola i mogućnost poboljšanja i otklanjanja uočenih nedostataka na osnovu analize izvršenja postavljenih ciljeva.

Akcentat će biti na redovnim upravljačkim aktivnostima, protokolarnim poslovima i pripremi sjednica stručnog kolegija Agencije i drugih sastanaka, strateškom, operativnom i finansijskom planiranju. U skladu sa preporukama revizije, radiće se na otklanjanju uočenih grešaka i daljem jačanju sistema finansijskog upravljanja i kontrole.

Cilj je da se, u skladu sa svim definisanim programskim ciljevima, obezbijede odgovarajući preduslovi i pretpostavke za što efikasniji rad svih organizacionih jedinica u Agenciji.

Sektor za pravne, kadrovske, opšte i finansijsko-materijalne poslove preduzimaće aktivnosti na što svrsishodnijem korišćenju svih mogućnosti koje pruža uspostavljeni ISFU sistem, prije svega na jačanju interne kontrole trošenja budžetskih sredstava.

Takođe, preduzimaće se sve mjere za:

- uspostavljanje što efikasnijeg sistema javnih nabavki u skladu sa Zakonom o javnim nabavkama,
- čuvanje, održavanje i zadržavanje postojeće opreme,
- pravovremenu i kvalitetnu izradu Dokumenta okvirnog budžeta (DOB) i Srednjoročnog plana rada Agencije za period 2021-2023,
- definisanje zahtjeva za budžet 2021. godine,
- vođenje knjigovodstvene evidencije i blagajničkog poslovanja, obračun plata i naknada zaposlenih u Agenciji i dr.

Redovno će se vršiti praćenje i procjena učinka, kao i izvještavanje o realizaciji planiranih projekata i aktivnosti. Uz pomoć i saradnju Kancelarije za reviziju institucija BiH i Jedinicom za internu reviziju Parlamentarne skupštine BiH planira se rješavanje i prevazilaženje svih uočenih slabosti i grešaka u poslovanju Agencije.

#### **d) Odjeljenje za sukob interesa / Ured Komisije za odlučivanje o sukobu interesa**

Odjeljenje za sukob interesa/Ured Komisije za odlučivanje o sukobu interesa (u daljem tekstu: Odjeljenje/Ured) će tokom 2020. godine fokus svojih aktivnosti staviti na aktivnosti usmjerene na provođenje Zakona o sukobu interesa u institucijama vlasti BiH, te stvaranju pretpostavki za uspostavljanje elektronske baze podataka neophodne za efikasan rad Komisije za odlučivanje o sukobu interesa.

Paralelno sa tim, Odjeljenje/Ured će realizirati slijedeće aktivnosti:

- Sveobuhvatna analiza zakonskih propisa koji se odnose na izjave o imovinskom stanju s ciljem uspostave efikasnog sistema kontrole, obrade podataka iz izjava o imovinskom stanju i eliminacije prepreka za njihovo javno objavljivanje;
- Stvaranje pretpostavki za uspostavljanje elektronske baze podataka za provjeru imovinskih /finansijskih izjava;
- Analiziranje i stvaranje pretpostavki za formiranje elektronskog registra za kontinuirano provođenje kontrole prijema poklona i njihovog prijavljivanja od strane izabраних zvanіčnika, nosilaca izvršnih funkcija i savjetnika;
- Uvođenje efikasnih alata za prikupljanje podataka sa fokusom na verificiranje, provjeru i sankcionisanje sukoba interesa;
- Provjeravanje finansijskih izvještaja, davanje mišljenja, te pokretanje i vođenje postupaka i donošenje odluka u skladu sa Zakonom o sukobu interesa
- Uspostavljanje Regionalne saradnje sa tijelima/institucijama nadležnim za provođenje sukoba interesa.

### e) Odjeljenje za podršku

Odjeljenje za podršku će tokom 2020. godine, u okviru svojih nadležnosti, pored stručne i profesionalne podršku rukovodstvu Agencije, pružiti podrške i ostalim organizacionim jedinicama Agencije u vezi sa obavljanjem poslova komunikacija i odnosa sa javnošću, pružanjem pomoći u vezi sa primjenom informacionih tehnologija i održavanjem informacionog sistema u Agenciji, postupanja po zahtjevima u skladu sa Zakonom o slobodi pristupa informacijama u BiH, ažuriranja i održavanja web stranice Agencije, pripremanja, objedinjavanja izvještaja o radu, programa i planova rada, organizacije sjednica Stručnog kolegija.

Pored navedenog Odjeljenje za podršku će raditi na provođenju sljedećih programskih ciljeva:

- učestvovanje u provođenju Komunikacione strategije u okviru treće komponente projekta „Implementacija antikorupcijskih strategija u BiH“ zajedno sa ostalim antikorupcijskom institucijama i tijelima;
- unapređenje transparentnosti u radu Agencije, posebno kada je riječ o dostupnosti sadržaja na web stranici, štampanju antikorupcijskih promo materijala za građane i planiranju/ provođenju antikorupcijske kampanje;
- komunikacijska funkcija Agencija baziraće se prije svega na proaktivnosti i transparentnosti, odnosno javnoj dostupnosti informacija, uz korištenje svih raspoloživih kanala i formate, kako bi brže stigle do ciljne javnosti;
- Maksimalna iskorištenost mogućnosti savremenih informaciono-komunikacijskih tehnologija kako bi se poboljšala komunikacija sa ključnim javnostima, institucijama i organizacijama, ali i interna komunikacija u Agenciji,
- unapređenje interne i institucionalne komunikacije kroz rad web redakcije kako bi sve organizacione jedinice, ali i Agencija u cijelosti, efikasno komunicirali sa relevantnim institucijama i organizacijama, nevladinim sektorom, medijima, drugim zainteresovanim javnostima i građanima općenito.
- Postupanje po Zakonu o slobodi pristupa informacijama u BiH, te će o zahtjevima za pristup informacijama i odgovorima na zahtjeve putem web stranice o tome blagovremeno informirati javnost. U navedenom periodu planirano je i da zahtjevi za pristup informacijama i pristigli odgovori budu dostupni javnosti putem web stranice, uz poštivanje Zakona o zaštiti ličnih podataka u BiH.
- Pored redovnih aktivnosti koje su navedene, Agencija planira poduzeti korake na izradi nove Komunikacijske strategije za period 2020-2024. godina. Planirano je formiranje radne grupe s ciljem sveobuhvatne analize primjene Komunikacijske strategije za period 2014.-2019. godina kao i planskog pristupa razvoju institucionalnih komunikacija Agencije.



- Planirana je i revizija kampanje „Ohrabri se-prijavi korupciju“ koju je tokom 2019. godine Agencija provela u saradnji sa Generalnim Sekretarijatom Vijeća ministara BiH, a uz podršku IRIS projekta „Podrška vladama u BiH u strateškoj komunikaciji u pogledu ključnih reformskih mjera u sklopu Reformske agende“ koji finansira Vlada Velike Britanije.

### **3) PROGRAMSKI CILJEVI ZA 2020. GODINU**

U obavljanju zadataka iz svoje nadležnosti Agencija planira ostvariti sljedeće ciljeve u 2020. godini:

- a) Uspostava mehanizama koordinacije borbe protiv korupcije u Bosni i Hercegovini i provođenje Strategije za borbu protiv korupcije i pratećeg Akcionog plana;
- b) Prijava korupcije i zaštita prijavitelja korupcije
- c) Obavljati Zakonom propisane nadležnosti u vezi sa prevencijom korupcije;
- d) Uspostavljati sistem planova integriteta na svim nivoima vlasti u BiH i nadzor nad implementacijom mjera predviđenih planovima integriteta;
- e) Usklađivati zakonska rješenja i izradu analiza, izvještaja i pregleda iz nadležnosti Agencije;
- f) Provoditi edukacije, obuke i jačati javnu svijesti o značaju prevencije korupcije;
- g) Jačanje kapaciteta Sektora za prevenciju korupcije
- h) Promocija nove strategije za borbu protiv korupcije i pratećeg akcijskog plana
- i) Razvijnje idejna rješenja i uspostavu elektronskih registara imovinskih/ finansijskih izjava
- j) Komunikacijska strategija Agencije 2020-2024., u skladu sa budućim potrebama i planiranim aktivnostima Agencije
- k) Postupanje po zahtjevima u skladu sa Zakonom o slobodi pristupa informacijam
- l) Revizija projekta IRIS „Podrška vladama u BiH u strateškoj komunikaciji u pogledu ključnih reformskih mjera u sklopu Reformske agende“
- m) Međunarodna suradnja
- n) Saradnja sa organizacijama civilnog društva
- o) Jačanje sistema strateškog upravljanja i administracije
- p) Provođenje aktivnosti vezano za budžet Agencije

U tabelarnom pregledu koji slijedi, prikazane su konkretne aktivnosti za realizaciju svakog pojedinačnog cilja.

#### 4) TABELARNI PREGLED PROGRAMSKIH CILJEVA ZA 2020. GODINU

PROGRAMSKI CILJ	AKTIVNOSTI	ROK	INDIKATOR REALIZACIJE
<b>Uspostava mehanizma koordinacije borbe protiv korupcije u Bosni i Hercegovini i provedba Strategije za borbu protiv korupcije i pratećeg Akcionog plana</b>	<i>Monitoring i koordinacija uspostave tijela za sprječavanje korupcije na nivou entiteta, kantona i Brčko distrikta BiH, osigurana stručno-savjetodavna podrška procesu uspostave</i>	Kontinuirano 2020.	Održana tri koordinacijska sastanka Agencije i tijela za sprečavanje korupcije u Bosni i Hercegovini
	<i>Kontinuirano educirati članove tijela za sprečavanje korupcije na osnovu harmoniziranih planova i programa obuke</i>	Kontinuirano 2020.	Održano pet edukacija
	<i>Pravovremena priprema u vezi sa efikasnom koordinacijom i implementacijom specifičnih mjera i aktivnosti iz nadležnosti Sektora i osiguranje efikasnog monitoringa provedbe Strategije za borbu protiv korupcije 2020-2024. i pratećeg Akcionog plana;</i>	Prvi kvartal 2020.	Sačinjen i proveden plan provedbe Strategije (Operativne matrice provedbe dokumenta), inicirana provedba specifičnih mjera u skladu sa operativnim planom, osiguran monitoring provedbe mjera, periodični izvještaji se dostavljaju
	<i>Koordinacija aktivnosti u vezi sa pripremom inoviranih Smjernica za izradu planova za borbu protiv korupcije i iniciranje i koordinacija donošenja planova borbe protiv korupcije u institucijama BiH</i>	Drugi kvartal 2020.	Smjernice za izradu planova za borbu protiv korupcije urađene
<b>Prijava korupcije i zaštita prijavitelja korupcije</b>	<i>Uspostava Baze podataka i stavljanje u funkciju prateće aplikacije za postupanje po podnescima sa indicijama koruptivnog ponašanja</i>	Prvi kvartal 2020.	Aplikacija testirana, sačinjeno uputstvo o primjeni iste.
	<i>Unificirati postojeće mehanizme za prijavljivanje korupcije u BiH i postupanje po podnescima sa indicijama koruptivnog ponašanja</i>	Drugi kvartal 2020.	Izrađeni unificirani pravilnici za prijavljivanje korupcije u BiH i postupanje s podnescima sa indicijama koruptivnog ponašanja
	<i>Kontinuirano educirati i promovisati zaštitu lica koja prijavljuju korupciju u institucijama BiH</i>	Kontinuirano 2020.	Izvedeno pet edukacija u skladu sa planom obuka, razvoj i provedba promotivnih kampanja posvećenih promociji zaštite prijavitelja korupcije u institucijama BiH

<b>Obavljati Zakonom propisane nadležnosti u vezi sa prevencijom korupcije</b>	<i>Kontinuirano provođenje obuka državnih službenika u svim javnim institucijama u BiH</i>	kontinuirano 2020.	Obavljanje obuka iz zakonom propisanih nadležnosti Agencije koje vrše uposlenici Agencije, te kao i certificirani predavači od strane ADS BiH i ADS FBiH. Aktivnost se provodi kontinuirano.
	<i>Kontinuirano provođenje obuka timova za borbu protiv korupcije na svim nivoima vlasti iz oblasti prevencije korupcije</i>	kontinuirano 2020.	Obavljanje obuka iz zakonom propisanih nadležnosti Agencije koje vrše uposlenici Agencije. Aktivnost se provodi kontinuirano
<b>Uspostavljati sistem planova integriteta u institucijama BiH i nadzor nad implementacijom mjera predviđenih planovima integriteta</b>	<i>Praćenje provedbe aktivnosti iz oblasti prevencije korupcije i planova integriteta u javnim preduzećima;</i>	Kontinuirano 2020	Redovni izvještaji dostavljeni APIK-u
	<i>Testiranje i puštanje u upotrebu web platforme za online izradu planova integriteta u institucijama BiH, izrada priručnika za korištenje platforme.</i>	Prvi kvartal 2020.	Izrađena i funkcionalna web platforma, priručnik za korištenje platforme izrađen, te urađeni online planovi integriteta .
	<i>Kontinuirano sprovođenje obuka koordinatora integriteta, kontakt osoba u svim javnim institucijama u BiH i članova timova za borbu protiv korupcije na svim nivoima vlasti vezano za praktičnu primjenu web platforme za izradu planova integriteta u svim institucijama u BiH</i>	kontinuirano 2020.	Obuke realizovane u skladu sa Planom obuka.
<b>Usklađivati zakonska rješenja i izradu analiza, izvještaja i pregleda iz nadležnosti Agencije</b>	<i>Davanje mišljenja na propise u skladu sa izmjenama i dopunama Jedinjstvenih pravila za izradu pravnih propisa u institucijama BiH</i>	kontinuirano 2020.	Urađena mišljenja na propise u skladu sa utvrđenim procedurama.
	<i>Iniciranje izmjena i dopuna antikorupcijskih zakona s ciljem unaprjeđenja borbe protiv korupcije</i>	kontinuirano 2020.	Urađene analize postojećih zakonskih rješenja, te inicira izmjene i dopune antikorupcijskih zakona.
	<i>Prikupljanje i analiza statističkih podataka iz oblasti prevencije korupcije, te objavljivanje rezultata istraživanja iz oblasti prevencije korupcije</i>	kontinuirano 2020.	Urađene i objavljene analize
<b>Jačanje kapaciteta Sektora za prevenciju</b>	<i>Saradnja s međunarodnim naučnim, stručnim i nevladinim organizacijama</i>	kontinuirano 2020.	Organizirani seminari, konferencije, okrugli stolovi i obuke.

<b>korupcije</b>	<i>Razvoj i jačanje ljudskih kapaciteta Sektora za prevenciju korupcije, te usvajanje najboljih praksi kroz studijske posjete antikorupcijskim institucijama u regiji i šire</i>	kontinuirano 2020.	Izvršene studijske posjete
	<i>Posjeta međunarodnim skupovima i konferencijama iz oblasti antikorupcije u cilju praćenja međunarodnih standarda</i>	kontinuirano 2020.	Izvršene posjete međunarodnim skupovima i konferencijama (EPAC/EACN, OECD, UNODC, GRECO i ostale)
<b>Promocija nove strategije za borbu protiv korupcije i pratećeg akcijskog plana</b>	<i>Promocija nove strategije za borbu protiv korupcije i pratećeg akcijskog plana</i>	Prvi i drugi kvartal 2020.	Održane dvije promocije
<b>Provoditi edukacije, obuke i jačati javnu svijesti o značaju prevencije korupcije</b>	<i>Kontinuirano provođenje obuka za članove zakonodavnih tijela u BiH sa međunarodnim obavezama i antikorupcijskim standardima</i>	kontinuirano 2020.	Provedene obuke u skladu sa Planom obuka.
	<i>Izrada i provođenje edukativnih programa iz oblasti prevencije korupcije u privatnom sektoru</i>	kontinuirano 2020.	Provedene obuke u skladu sa Planom obuka.
	<i>Praćenje provedbe programa etike i integriteta u obrazovnom sektoru u BiH sa ciljem jačanja moralnih vrijednosti društva</i>	Četvrti kvartal 2020.	Programi etike i integriteta u obrazovnom sektoru uvedeni i provode se u praksi.
	<i>Kontinuirana saradnja sa javnim emiterima u BiH iz oblasti prevencije korupcije</i>	kontinuirano 2020.	Emitirani programi iz oblasti prevencije korupcije na godišnjem nivou.
	<i>Raspisivanje i provođenje Javnog poziva za učešće učenika osnovnih i srednjih škola u BiH iz oblasti antikorupcijske edukacije</i>	Treći i četvrti kvartal 2020.	Proveden Javni poziv
	<i>Kontinuirana saradnja sa organizacijama civilnog društva koje rade s mladim ljudima na promoviranju etike i integriteta</i>	kontinuirano. 2020.	Djelatnici APIK-a sudjelovali na događajima u organizaciji OCD
<b>Razvijati idejna rješenja i uspostavu elektronskih registara imovinskih/ finansijskih izjava</b>	<i>Formiranje elektronskog registra za provjeru imovinskih /finansijskih izjava</i>	2020.	Urađeno idejno rješenje te formiran elektronski registar
	<i>Uvođenje efikasnih alata za prikupljanje podataka sa fokusom na verificiranje, provjeru i sankcioniranje sukoba interesa</i>	kontinuirano 2020.	Provjereni zvaničnici
<b>Komunikacijska strategije 2020-2024. u skladu sa budućim potrebama i planiranim aktivnostima Agencije</b>	<i>Sveobuhvatna analiza planskog pristupa razvoja institucionalnih komunikacija Agencije</i>	Prvi kvartal 2020.	Urađena analiza Komunikacijske strategije 2014-2019. Formirana radna grupa za izradu Komunikacijske strategije 2020-2024 u skladu sa strateškim planovima Agencije

	<i>Redovno održavanje i unapređenje komunikacije, kao i saradnja i koordinacija u radu web redakcije s ciljem kvalitetnog uređenja web stranice Agencije</i>	Kontinuirano 2020.	Uspostavljena redovna komunikacija. Blagovremena i kvalitetna razmjena informacija i dostava podataka.
	<i>Dodatno unaprijeđen nivo transparentnosti rada Agencije</i>	Kontinuirano 2020.	Uvedene nove kategorije dokumenata na web stranici.
<b>Postupanje po zahtjevima u skladu sa Zakonom o slobodi pristupa informacijam u BiH</b>	Koordiniranje aktivnosti organizacionih jedinica prilikom pribavljanja i objedinjavanja odgovora na zahtjeve tražilaca informacija	Kontinuirano 2020.	U skladu sa Zakonom o slobodi pristupa informacija u BiH blagovremeno pripremljeni i dostavljanji odgovori tražiocima informacija
<b>Revizija projekta IRIS „Podrška vladama u BiH u strateškoj komunikaciji u pogledu ključnih reformskih mjera u sklopu Reformske agende“</b>	Analiza provedene kampanje proizašle iz projekta IRIS „Podrška vladama u BiH u strateškoj komunikaciji u pogledu ključnih reformskih mjera u sklopu Reformske agende“. Analiza urađena zajedno sa Generalnim Sekretarijatom Vijeća ministara BiH.	Prva polovina 2020.	Na temelju izvršene analize izvršena revizija.
<b>Međunarodna suradnja</b>	<i>Kontinuirano pratiti i provoditi preporuke relevantnih međunarodnih organizacija i institucija za borbu protiv korupcije</i>	Kontinuirano 2020	Izvršeno praćenje i provedba preporuka relevantnih međunarodnih organizacija i institucija za borbu protiv korupcije
	<i>Redovno praćenje primjene međunarodnih propisa i ugovora i povratno informisanje međunarodnih aktera o njihovoj provedbi (UNCAC/GRECO/OECD/ReSPA)</i>	Kontinuirano 2020.	Izvršena primjena međunarodnih propisa i ugovora i povratno informisanje međunarodnih aktera o njihovoj provedbi (UNCAC/GRECO/OECD/ReSPA)
	<i>Redovno informisanje nadležnih tijela i institucija u BiH o obavezama koje proizlaze iz međunarodnih pravnih instrumenata</i>	Kontinuirano 2020.	Informisana nadležna tijela i institucija u BiH o obavezama koje proizilaze iz međunarodnih pravnih instrumenata
	<i>Koordinacija aktivnosti, saradnja i učestvovanje Agencije u projektima, aktivnostima i događajima u kontekstu ostvarivanja međunarodne i regionalne saradnje (učesće u samoprocjeni provedbe UNCAC-a u BiH, poglavlja II - Preventivne mjere )</i>	Kontinuirano 2020.	Provedene aktivnosti, saradnja i učesće Agencije u projektima, aktivnostima i događajima u kontekstu ostvarivanja međunarodne i regionalne saradnje

	<i>Prikupljanje informacija, analitička obrada i redovno izvještavanje međunarodnih organizacija i institucija o napretku u kontekstu evropskih integracija (Strukturalni dijalog o pravosuđu između BiH i EU, Post-vizna liberalizacija BiH sa EU, izvještaji o napretku BiH, ažuriranje dostavljenih odgovora na Upitnike EK itd.)</i>	Zadnji kvartal 2020.	Prikupljene su informacije, analitička obrađene i redovno izvještavanje međunarodnih organizacija i institucija o napretku u kontekstu evropskih integracija
	<i>Provedba aktivnosti u okviru memoranduma o saradnji između Agencije i međunarodnih organizacija/projekata/inicijativa (BAK, GIZ, USAID-VSTV,...)</i>	Kontinuirano 2020.	Provedene su aktivnosti u okviru memoranduma o saradnji između Agencije i međunarodnih organizacija/projekata/ inicijativa
<b>Saradnja sa organizacijama civilnog društva</b>	<i>Uspostaviti i osigurati stručnu podršku Savjetodavnom timu za reviziju i koordinaciju implementacije UN Konvencije za borbu protiv korupcije u Bosni i Hercegovini</i>	Kontinuirano 2020.	Savjetodavni tim uspostavljen, osigurana podrška radu Tima uz saradnju sa Transparency Internationalom BiH
	<i>Osmišljavati i provoditi antikorupcijske projekte koje će tijela za sprječavanje korupcije i institucija sa antikorupcijskim nadležnostima zajednički provoditi sa OCD</i>	Kontinuirano 2020	Zajednički projekti osmišljeni i provode se, a informacije o njima dostupne su javnosti
<b>Jačanje sistema strateškog upravljanja i administracije</b>	<i>Redovne upravljačke aktivnosti, strateško, operativno i finansijsko planiranje</i>	-po pozivu direktora (kolegij) -u skladu sa instrukcijama MFT BIH (planovi)	Održane redovne sjednice kolegija, izrada godišnjih finansijskih i operativnih planova
	<i>Izrada mjesečnih planova rada i izvještaja o radu zaposlenih</i>	-do 5. u mjesecu za prethodni mjesec (izvještaj)	Postignuta veća efikasnost u realizaciji postavljenih ciljeva i jačanje sistema finansijskog upravljanja i kontrole (FUK)
	<i>Suradnja sa Kancelarijom za reviziju institucija BiH i Jedinicom za internu reviziju PS BiH</i>	-po najavi revizije i u skladu sa zadatim rokovima (eksterna revizija) -prema planu Jedinice za internu reviziju	Ostvarena uspješna suradnja u pripremi i realizaciji revizije, kao i provođenje preporuka revizije, u skladu sa planom aktivnosti za postupanje po preporukama revizije
	<i>Izrada godišnjeg izvještaja o finansijskom upravljanju i kontroli za 2019. godinu</i>	-15. februar 2020. godine	Godišnji izvještaj o FUK-u urađen u zadataj roku
<b>Provođenje aktivnosti vezano za budžet Agencije</b>	<i>Izrada DOB-a i Srednjoročnog plana Agencije za period 2021-2023, kao i zahtjeva za budžet 2021. godine</i>	-do 15.04.2020. godine (DOB) -do 01. juna 2020. godine (Sred. plan) -prema instrukciji MFT BiH (zahtjev)	DOB i Srednjoročni plan 2021-2023, kao i zahtjev za budžet 2021. godine urađeni u zakonskim rokovima i u skladu sa instrukcijama MFT BiH
	<i>Izrada operativnog plana za 2020. godinu u skladu sa usvojenim budžetom</i>	-prema instrukciji MFT BiH	Operativni plan za 2020. godinu urađen u skladu sa instrukcijom MFT BiH
	<i>Kvartalno, polugodišnje i godišnje izvještavanje o realizaciji budžeta Agencije za</i>	-prema instrukciji MFT BiH	Svi izvještaji o izvršenju budžeta za 2020. godinu urađeni u roku i u skladu sa

	<i>2020. godinu</i>		instrukcijama MFT BiH
	<i>Realizacija Plana nabavki za 2020. godinu</i>	-u skladu sa zadatim rokovima u Planu javnih nabavki	Plan nabavki za 2020. godinu urađen i nabavke izvršene u skladu sa predviđenom dinamikom

**ZAMJENIK DIREKTORA**

**DIREKTOR**

\_\_\_\_\_  
**dr.sc. Dragan Slipac**

\_\_\_\_\_  
**Hasim Šabotić**

Istočno Sarajevo, . . . godine  
 Broj: 01-\_\_\_\_\_/ .